



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Congregatio Vicariorum foraneoru[m] pridie Synodi, in qua intersunt
visitatores, & Vicarij vrbani.

urn:nbn:de:hbz:466:1-10502

Ratio suffragij ferendi per compromissarios plebaniarum & regionum Ciuitatis, & Collegiatorum.

ACCLAMATIONES, & earum impressio.

Tabellæ disciplinæ Ecclesiæ, earumque impressio.

Index eorum, qui fidei professionem nondum præstiterunt.

Index seu catalogus nominum vniuersi Cleri, Urbani, & Diocesani, cum suis titulis, & beneficijs.

Præfetti Hospitio Cleri.

Præfetti Disciplinæ Cleri.

Congregatio Secunda.

Congregatio triduo ante statum diem Synodi, visitatorum vrbis, & Diocesis apud Illustriss. Archiepiscopum: in qua agitur de recognitione scripturarum & tabellarum ad vsum Synodi factarum.

Item de decretis nuperrimè factis, & de executione decretorum Prouincialium & Diocesano- rum.

De modo celebrandi Congregationem Vicariorum foraneorum.

Item de ijs, quæ agenda sunt in dicta Congregatione.

Congregatio Vicariorum foraneorum pridie Synodi apud Illustriss. In qua intersunt visitatores, & Vicarij Urbani.

Scrutinium in hac Congregatione. An à die S. Martini vsq; ad ordinationem S. Ambrosij visitarint.

An Congregationem habuerint ante Septuagesimam.

An Congregationem feria ij. post octauam Paschæ habuerint, de his, quæ ad Archiepiscopum relaturi sunt.

An à Parochis collegerint, quæ opus habeant correctione, & reformatione.

An scripta attulerint ex præscripto Synodi Diocesane.

An orationem instituerint pro Synodo.

An per Parochos aliquot ante diebus

denunciata sit actio Synodalis.

An Synodalis actionis instructio ad populum.

An populi parochorū admonitionibus excitati.

Ad frequentius orationis studium.

Ad confessionem.

Ad cōmunionem sumenda die Dominico Synodum præcedente.

Qui Parochorum zelus in salute fidelium procuranda.

Quæ eorum diligentia in Sacramentis ministranda.

An abusus in Sacramentorum administratione.

Quæ vigilatia in reliquis Parochialis muneris partibus.

An progressio aliqua extat Synodis.

Quæ progressio populi in via Dñi.

Quæ eiusdem exercitationes in operibus vitæ Christianæ.

Quã religiosus cultus dierū festorū.

Quã pia in Ecclesijs conuersatio.

Quæ frequentia in scholis doctrinæ Christianæ.

An Indicem attulerint interdictorū, qui non communicauerint in Paschate.

Quæ morum corruptelæ.

Quæve publica peccata.

Quã diligens executio decretorum prouincialium, & diocesano- rum, & edictorum Archiepiscopali- um, & visitationum.

Qui status Ecclesiarum.

Quæ sacrorum vestium instrumentorumve suppellex, ex præscripto instructionum fabricæ Ecclesiæ.

Quæ disciplina, progressus, & educatio Clericorum inferioris ordinis.

Qui absentes à collegiatis & parochis.

Qui ritus in officijs diuinis recitadis.

An corruptela, & abusus, & auaritia, in anniuersarijs & funeralibus celebrandis.

An Index beneficiorum vacantium.

An notula fructuum vacantium.

An Index Ecclesiasticorum non residentium, qui tenentur residere.

An catalogus Ecclesiasticorum hominum, qui tenentur interesse continuo.

Notula Confessariorum, Testium Synodali- um, Punctatorum Collegiatarū & Plebis, Prioris doctrinæ Christianæ,

&

& Magistri Cæremoniarum.

An compromissarij electi.

Et cum crastino die sessio prima habenda esset, tabellis publicè propositis in hæc verba indicta fuit.

Crastina die, quæ erit iij. huius mensis, mane hora 10. Deo benè iuuante, initium erit Synodi Diocesanæ xi. Mediolanensis. Ex Cancellaria Archiepiscopali die iij. Maij 1584. subscripta N. Can. Ordinar. Cancell. Archiepisc.

Hodie sub vesperum ad præscriptum in omni Ecclesia solenni campanarum sono significatio facta est Synodi postero die inchoandæ: mane verò, qui fuit dies iij. item pulsatum est, vt significaretur celebritas Synodalis conuentus.

Item certa significatio orationis pro Synodo.

Sessio Prima.

IN Nomine Domini Amen. Anno à Natiuitate eiusdè M.D.LXXXIII. Die iij. Maij, Pontificatus Sanctissimi D. N. Domini Gregorij XIII. &c.

Illustris. & Reuerendis. in Christo Pater, & Dominus noster Archiepiscopus Sanctæ Ecclesiæ Mediolanensis, hoc mane & die pro celebratione Synodi Diocesanæ vndecimæ indictæ, de marem Synodalem solenni ritu aggredi volens, Reuerendo Capitulo, & Clero Metropolitanæ in aula magna congregationum Synodaliū propè sacellum in ædibus Archiepiscopalibus congregato, è cubiculo cum cappa egressus, eam exiit, facta manuum lotionè; Albam, stolam, & pluuiale rubri coloris, ac Mitram pretiosam induit. omnes item Canonici ordinarij, & officiales, pretiosa paramenta, quisque pro sui ordinis ratione induerunt; ac ita processionaliter ad Basilicam Metropolitanam Illustris. Dominus deductus est, comitantibus, & sequentibus plurimis Prælatibus, & prothonotarijs, rochetto indutis, & Seminario, ac populi frequentia. Vbi ad atrium Metropolitanæ peruentum est, solèni campanarum & organi sono exceptus, de more in limine ostij maioris paulum consistens, Reu. Capitulum, & alios ibi præfentes aqua benedicta a-

spersit. Inde ad altare maius veniens paululum precatus est; postea ad sedem Archiepiscopalem accessit: quo loco horæ tertie officium inchoauit: & dum psalmi per cantores alternis choris solenniter canerentur, stas preces ex libro Pontificali recitauit; sandalia, ac dalmaticas, & pluuiale superinduit processionis gratia. Horæ tertie officio perorato, cum Clerus vniuersus secularis & regularis conuenisset, statim inchoata fuit processio ad Basilicam Sancti Ambrosij; singulaq; Capitula & Collegia suo loco procedebant, ex ordine vocationis factæ.

De ordine Processionis.

Processionis ratio & ordo is fuit, quæ in propria Tabella impressa Illustris. Dominus ex suggestu explicari iussit. Tabellæ verò omnibus præfatis processionis constitutis, & Præpositis Collegiatarum Urbis, & Diocesis, ac Vicarijs foraneis dum ad processionem conueniebant, per Magistrum Cæremoniarum distributæ fuerunt, quò rectius tota processionis ratio iniretur.

Formula publicaodi Tabellam prædictam paulò antequam processio inchoetur.

Præpositi, Sindici Urbis, Vicarij Foranei, apud se Tabellam hanc habeant, & in suo quisque Clero rectam illius executionem curent. Præfati disciplinæ Synodalis in eam curam incumbant vniuersè & sigillatim, vt hæc ipsa præstentur ad præscriptum, adhibita etiam opera clericorum designatorum.

Postea verò, quàm à processione Clerus ad Basilicam Metropolitanam redijt, ordine per sedilia oblonga, prout designatio facta requirebat, ab ijs dispositus est, quos huius rei designationi Illustris. Archiepiscopus instituerat.

Præterea quò diligentius & accuratius disciplina Synodalis à Clero seruetur, nec verò quidquam committeretur, quod à loci Sanctitate, & Synodali actione alienum esset, certis Synodi locis